

歐陽文忠公集

十四

外集卷第二 歐陽文忠公集五十二

古詩二

數詩

一室曾何埽居閑俗慮平二毛經節變青
鑑不須驚三復磨圭戒深防悔吝生四愁
寧敢擬高詠且陶情五鼎期君祿無思死
必烹六竒還自祕海寓正休兵七日南山
霧虎文幸有成八門當鼓翼凌厲指霄程
九德方居位皇猷日月明十朋如可問從
此卜嘉亨

二五二

外集二

一

定

答錢寺丞憶伊川

之子問伊川伊川已春色綠芷雜芳浦青
溪含白石山阿昔留賞履齒無遺迹惟有
崑桂花留芳待歸客

書懷感事寄梅聖俞

相別始一歲幽憂有百端乃知一世中少
樂多悲患平聲每憶少年日未知人事艱顛
狂無所閔落魄去羈牽三月入洛陽春深
花未殘龍門翠鬱鬱伊水清潺潺逢君伊
水畔一見已開顏不暇謁大尹相携步香

山自茲愜所適便若投山猿幕府足文士
相公方好賢希深好風骨迴出風塵間師
魯心磊落高談義與軒子漸口若訥誦書
坐千言彥國善飲酒百盞顏未丹幾道事
閑遠風流如謝安子聰作參軍常跨破虎
韉子野乃禿翁戲弄時脫冠次公才曠竒
王霸馳筆端聖俞善吟哦共嘲爲閬仙惟
予號達老醉必如張顛洛陽古郡邑萬戶美
風煙荒涼見宮闕表裏壯河山相將日無
事上馬若鴻翩出門盡垂柳信步即名園

嫩籜筠筠粉暗淶池萍錦翻殘花落酒面飛
絮拂歸鞍尋盡水與竹忽去嵩峯巔青蒼
緣萬仞杳藹望三川花草窺澗竇崎嶇尋
石泉君吟倚樹立我醉歌雲眠子聰疑日
近謂若手可攀共題三醉石留在八仙壇
水雲心已倦歸坐正盃盤飛瓊始十八妖
妙猶雙環寒篁暖鳳觜銀甲調鴈絃自製
白雲曲始送黃金船珠簾捲明月夜氣如
春煙燈花弄粉色酒紅生臉蓮東堂榴花
好點綴裙腰鮮插雲髻上展篔簹綠陰前

樂事不可極酣歌戀為歎平詔書走東下
丞相忽南遷送之伊水頭相顧淚潸潸臘
月相公去君隨赴春官送君白馬寺獨入
東上門故府誰同在新年獨未還當時作
此語聞者已依然

雜言答聖俞見寄兼簡東京諸友
昔君居洛陽樂事無時有實府富文章謝
墅從親友豐年政頗簡命駕時為偶不問
竹林主仍携步兵酒芬芳一作弄嘉月翠
綠相森茂

三八六

外集二

三

蘇

聞梅二授德興戲書

君家小謝城為客洛陽裏綠髮方少年青
衫喜為吏重湖亂山綠歸夢寄千里洛浦
見秋鴻江南老芳芷自言北地禽能感南
人耳京國本繁華馳逐多英軌爭歌白雪
曲取酒西城市朝逢油壁車暮結青驄尾
歲月倏可忘行樂方未已忽爾畏簡書翻
然浩歸思江山故國近風物饒陽美楚袖
煙中黃吳萼波上紫還鄉問井邑上堂多
慶喜離別古所難更畏秋風起

戲贈

莫愁家住洛川傍，十五纖腰聞四方。
堂上金罇邀上客，門前白馬繫垂楊。
春風滿城花滿樹，落日花光爭粉光。
城頭行人莫駐馬，一曲能令君斷腸。

寄左軍巡劉判官

遙聽洛城鍾，獨渡伊川水。
綠樹鬱參差，行人去無已。
因高望京邑，驅馬沿山趾。
落日亂峯多，龍門何處是。

罷官後初還襄城弊居述懷十韻

回寄洛中舊寮

路盡見家山，欣然望吾廬。
陋巷叩柴扉，迎候遙驚呼。
兒童戲竹馬，田里邀籃輿。
春桑鬱已綠，歲事催農夫。
朝日飛雉雊，東臯新雨餘。
植杖望遠林，行歌登故墟。
夙志在一壑，茲焉將荷鋤。
言謝洛社友，因招洛中愚。
馬卿已倦客，嚴安猶獻書。
行矣方于役，豈能遂歸歟。

和聖俞聚蚊

頽陽照窮巷，暑退涼風生。
夫子卧環堵，振

衣步前楹愁煙四鄰起鳥雀喧空庭餘景
藹欲昏衆蚊復一作衆一作藹藹群飛豈能數但
厭聲營營抱琴不暇撫揮塵無由停散帙
復歸卧詠言聊寫情覆載無巨細善惡皆
生成朽木出衆蠹腐草爲飛螢書魚長陰
溼醢雞由鬱蒸豕鬣固多虱牛閑常聚蚩
元氣或壹鬱播之爲孽腥卑臭乃其類清
虛非所經華堂敞高棟綺䟽仍藻扃金釭
瑩椒壁玉壺含夜冰終朝事薰被豈敢近
簷三藹富貴非苟得抱節居茅衡陰墻百蟲

三

外集二

五

成

聚下偃衆穢盈何嘗曲肱樂但苦聚雷聲
江南美山水水木正秋明自古佳麗國能
助詩人情喧囂不可久片席何時征

送劉學士知衡州

揚子懶屬書平居惟嗜酒一沐或彌旬解
醒須五斗淡爾輕榮利何常問無有忍憶
四一作馬歸行爲一麾守湘耐自古醇醪
水聞名久簿領但盈几聖經不離口湖田
賦稻蟹民訟爭壠畝兀爾即沈冥安能知
可否聊爲寄情樂豈與素懷偶藏器思適

時投刃寧煩手行當考官績勿復困嬰正

送張屯田歸洛歌

昔年洛浦見花落曾作悲歌歌落花愁來
欲遣何可柰時向金河尋杜家杜家花雖
非絕品猶可開顏爲之飲少年意氣易成
懽醉不還家伴花寢一來京國兩傷春
憔悴窮愁九陌塵紅房紫蒼處處有騎馬欲
尋無故人黃河三月入隋河河水多時悵
望多爲憐此水來何處二字一處遠中有伊流
與洛波忽聞君至自西京洗眼相看眼暫

三

外集二

六

成

明心衰面老畏人問驚我瘦骨清如冰今
年七月妹喪夫稚兒孀女啼呱呱季秋九
月予喪婦十月厭厭成病軀端居移病新
城下日不出門無過者獨行時欲強高歌
一曲未終雙涕洒可憐明月與春風歲歲
年年事不同暫別已嗟非舊態再來應是
作衰翁感時惜別情無已無酒送君空有
淚西歸必有問君人爲道別來今若此

述懷送張惣之

鬱鬱河堤綠樹平送君因得到東城落花

已盡鴛鴦猶轉垂柳初長蟬欲鳴去年送客
亦曾到正值揚花亂芳草人心不復故時
歡景物自隨時節好感今懷昔復傷離一
別相逢知幾時莫辭今日一罇酒明日思
君難重持東吳山水天下秀羨君輕舟片
帆逗江城月下夜聞歌淮浦山前朝放溜
樂哉此行時未晚萬壑千巖不知遠可憐
病客馱京塵寂寞淹留已再春扁舟待得
東南下猶更河橋送幾人

送子野

外集二

七

通

四時慘舒不可調冬夏寒暑易鬱陶春陽
著物大軟媚獨有秋節最勁豪金方堅剛
屏炎瘴尤氣高爽清風颺煙霞破散灑氣
豁山河震發地脉搖天開寶鑑露寒月海
拍積雪卷怒潮光輝通透奪星耀蟠潛驚
奮鬪屈蛟高樓精爽毛髮竦壯懷直恐衝
斗杓欲飛輕衣上拂漢擬乘王氣戲鷺濤
念時文法密於織羈縻束縛不自聊豈無
策議獻人主扼持舌在口已膠當秋且幸
際軒豁誰能兒女聽塘蛸君方壯歲襟宇

快名聲樂與家聲高輕舟從遊山川底詩
酒合興皆翹翹堪嗟宋玉自悲攬可並張
翰同道遙功名富貴有時到忍把壯節良
辰消

送劉十三南遊

泱泱汴河流橈聲過晚浦行客問吳山舟
人多楚語春深紫蘭澤夏早黃梅雨時應
賦登眺聊以忘羈旅

與李獻臣宋子京春集東園得節字

綠野秀可飡遊驂喜初結芸局苦寂寥禁
署隔清切歡言得幽尋況此及嘉節鳥哢
已關關泉流初泱泱紫萼繁若綴翠茗柔
可擷屢期無後時芳物畏鷓鴣

晚泊岳陽

卧聞岳陽城裏鍾繫舟岳陽城下樹正見
空江明月來雲水蒼茫失江路夜深江月
弄清輝水上人歌月下歸一闋聲長聽不
盡輕舟短楫去如飛

新開碁軒呈元珍表臣

竹樹日已滋軒窗漸幽興人閑與世遠鳥

語知境靜春光藹欲布山色寒尚映獨收
萬慮心於此一枰競

代贈田文初

感君一顧重千金贈君白壁爲妾心舟中
繡被薰香夜春雪江頭三尺深西陵長官
頭已白憔悴窮愁顏一作媿相識手持玉罈
唱陽春江上梅花落如積津亭送別君未
悲夢闌酒解始相思須知巫峽聞猿處不
似荆江夜雪時

惠泉亭

一本序云某啓伏觀知軍學士文文新
理惠泉謹爲拙詩十六句伏惟采覽

外集二

九

銑

翠壁刻孱顏煙霞跬步間使君能愛客朝
夕弄山泉春巖雨過春流長置酒來聽山
溜響鑑中樓閣俯清池雪裏峯巒開曉幌
須知清興無時已酒美賓嘉自相對席間
誰伴謝公吟日暮多逢山簡醉淹留桂樹
幾經春野鳥巖花識使君使君今是罇前
客誰與山泉作主人

過張至祕校莊

田家何所樂臺笠日相親桑條起蠶事菖
葉候耕辰望歲占風色寬徭知政仁樵漁

逐晚浦雞犬隔前村泉溜塍間動山田樹
杪分鳥聲梅店雨野色柳橋春有客問行
路呼童驚候門焚魚酌白醴但坐且懽忻

行次葉縣

朝渡汝河流暮宿楚山曲城陰日下寒野
氣春深綠征車倦長道故國有喬木行行
漸樂郊東風滿平陸

將至淮安馬上早行學謝靈運體六韻

晴霞煦東浦驚鳥動煙林曙河蕪斗沒杳
杳一作嶂隱雲深寒雞隔樹起曲塢留風吟

二十七

外集二

十

銑

征夫倦行役秋興感登臨衡一作蘅積涂

一作澌迴江蘼香露沉行矣歲華晚歸歟勞

歎音

自岐

一作枝

江山行至平陸驛五言

二十四韻

岐江望平陸百里千餘嶺蕭條斷煙火莽

蒼無人境峯巒互前後南北失壬丙天秋

雲愈高木落歲方冷水涉愁蟻射含沙林也

行憂虎猛萬仞懸巖崖一約履枯梗緣危

類猿猱陷淖若鼃鼃腰輿懼傾撲煩馬倦

鞭警攀躋誠畏塗習俗羨蠻獷度隘足雖踈
因高目還騁九野畫荆衡群山亂巫郢煙
嵐互明滅點綴成一作圖屏時時度深谷
往往得佳景翠樹鬱如蓋飛泉溜垂綆幽
花亂黃紫倩粲弄光影山鳥轉成歌寒蛭
嘒如哽登臨雖云勞一作廣一作巨細得周省晨
裝赴徒旅夕宿訪問井村暗水茫茫鷄鳴
星耿耿登高近佳節歸思時引領谿菊薦
山罇田駕佑烹鼎家近夢先歸夜寒衾屢
整崎嶇念行役昔宿已為永豈如江上舟

外集二

十一

振

掉歌方酩酊

初泛舟荆江棋酒甚歡故有此句

春日西湖寄謝法曹歌

西湖春色歸春水綠於染群芳爛不收東

風落如糝

西湖者許昌勝地也

參軍春思亂如雲白

髮題詩愁送春

謝君有多情未老已白髮送野思到春如亂雲之句

知湖上一罇酒能憶天涯萬里人萬里思

春尚有情忽逢春至客心驚雪消門外千

山綠花發江邊二月晴少年把酒逢春色

今日逢春頭已白異鄉物態與人殊惟有

東風舊相識

答謝景山遺古瓦硯歌

火數四百炎靈銷誰其代者當塗高窮姦
極酷不易取始知文景基局牢坐揮長喙
啄天下膏腴競起如蝟毛董呂僊汜相繼
死紹術權備爭咆哮力彊者勝怯者敗豈
較才德爲功勞然猶到手不敢取而使螟
蝗生蝮蝎子不當初不自耻敢謂舜禹傳
之堯得之以此失亦此誰知三馬食一槽
當其盛時爭意氣叱咤雷電生風颭干戈
戰罷數功闕周蔑方召堯無臯英雄致酒

三十八

外集二

十一

振

奉高會巍然銅雀高峯峯圓歌宛轉激清

徵妙舞左右回纖腰一朝西陵一作西朝看

拱木寂寞總帳空蕭蕭當時淒涼已可歎

而況後世悲前朝高臺已傾漸平地此瓦

一墜埋蓬蒿苔文半滅荒土蝕戰血曾經

野火燒敗皮弊網各有用誰使鐫鑿成凸

凹景山筆力若牛弩句道語老能揮毫嗟

予奪得何所用簿領朱墨徒紛淆走官南

北未嘗捨緹襲三四勤緘包有時屬思欲

飛灑意緒軋軋難抽繅舟行屢備被一作水

神奪往往冥晦遭風濤質頑物久有精怪
常恐變化成靈妖名都所至必傳玩愛之
不換魯寶刀長歌送我怪且偉欲報慙愧
無瓊瑤

古瓦硯

甌瓦賤微物得廁筆墨間於物用有宜不
計醜與妍金非不爲寶玉豈不爲堅用之
以發墨不及瓦礫頑乃知物雖微作賤當
用價難攀豈惟瓦礫爾用人從古難然作

新營小齋鑿地爐輒成五言三十七韻

霜降百工休居者皆入室墜戶畏初寒開
爐代溫律規模不盈丈廣狹足容膝軒窓
共幽窗竹栢助蒙密辛勤慚巧官窮賤守
卑秩無術政奚爲有年秋屢實文書少期
會租訟省鞭扶地僻與世踈官閑得身佚
荆蠻苦卑陋氣候常壹鬱天日每陰翳風
飈多凜凜衰顏慘時晚病骨知寒疾蠻牀
勦晨興籃輦厭朝出南山近樵採僮僕免
呵叱禦歲畜蹲鴟饋客薦包橘霜薪吹晶
熒石鼎沸啾唧披方養丹砂候節煎去聲秋

木西鄰有高士，輒軻卧蓬華。鶴髮善高談，
鮐背便平。多欸披裘屢相就，束緼亦時乞。
傳經伏生老，愛酒揚雄吃。晨灰煖餘盃，夜
火爆山栗無言兩。忘形相對或終日，微生
慕剛毅勁強去聲。早難屈自從世俗牽，常恐
天性失仰茲。微官祿養此多病質，省躬由
一言無枉慕。三黜因知吏，隱樂漸使欲心
窒。面壁或僧禪，倒冠聊酒逸。螟蠕輕二豪，
一馬齊萬物。啓期爲樂三，叔夜不堪七。負
薪幸有一作自，瘳舊學頗思述。興亡閱今古，
二五十一

外集二

十四

俊

一作今圖籍羅甲乙，魯冊謹會盟。周公豕凶
吉，詳或作鮮。明左丘，辯馳騁。馬遷筆金石，五
鏗錡。風雲生倏忽，豁爾一開卷。慨然時拚
帙，浮沈恣其間。適若遂聳取一作佚，
誰云陋所得。乃非一五斗，豈須慚優游。歲
將畢

外集卷第二

送劉學士知衡州何常常疑是嘗

述懷復傷離復一作更

寄謝法曹思春一作思君

古瓦硯歌致酒疑是酒

新營小齋詳明衆本皆作鮮明唯薛齊誼編年引此詩作詳明

送劉學士知衡州何常
寄謝法曹思春
古瓦硯歌致酒
新營小齋詳明

外集卷第三

歐陽文忠公集五十三

古詩三

南獠

洪宋區夏廣恢張際四維狂孽久不聳民
 物含涵一作春熙者雅適所尚游泳光華時
 遽然攝提歲南獠掠邊陲予因叩村叟此
 事曷如斯初似却人問未語先涕垂收涕
 謝客問為客陳始基撫水有上源水淺山
 嶮巖生民三千室聚此天一涯狼勇復輕
 脫性若鹿與麋男夫不耕鑿刀兵動相隨

三

外集三

吳仲

宜融兩境上殺人取其貲因斯久久來此
 寇易為羈鼠竊及蟻聚近裏焉敢窺勢亦
 不久住官軍來即馳景德祥符後時移事
 亦移四輔哲且善天子仁又慈將軍稱招
 安兵非羽林兒龍江一牧拙邏騎材亦非
 威惠不兼深徒以官力欺智略仍復短從
 此難羈縻引兵卸甲嶺部陣自參差鋒鏑
 殊未接士卒心先離奔走六吏死初在懷遠軍卸
 甲嶺殺傷范禮賓王崇班等六人落陣死明知國挫威自茲賊
 聲震直寇融州湄縣宇及民廬燬蕩無孑

遺利鏃淬諸毒中膚無藥醫長刀斷人股
橫屍滿通達婦人及孳產驅負足始歸堂
堂過城戍何人敢正窺外計削奏疏一一
聞宸闈赫爾天斯怒選將興王師精甲二
萬餘猛毅如虎貔劔戟凜秋霜旌祭閃朝
曦八營與七萃豈得多于茲外統三路進
小敵胡能爲前驅已壓境後軍猶未知逶
迤至蠻域但見空稻畦搜羅一月餘不戰
師自罷荷戈莫言苦負糧深可悲哀哉都
督郵無辜遭屠糜

昭州都曹皇甫僅三人部
糧入洞遭蠻賊掩殺及害

外集三

二

吳仲

夫力嗥咋計不出還出招安辭半降半來
千餘拒蠻意猶狐疑厚以繒錦贈狙心詐爲卑
戎帳草草起賊戈躡背揮我聆老叟言不
覺顰雙眉吮毫兼疊簡占作南獠詩願值
采詩官一敷于彤墀

寄聖俞

西陵山水天下佳我昔謫官君所嗟官閑
憔悴一病叟縣古瀟灑如山家雪消深林
自斲斲一作筍人響空山隨摘茶有時携酒
探幽絕往往上下窮煙霞崑崙綠縵軟可

藉野卉青紅春自華風餘落葉飛面旋日
暖山鳥鳴交加貪追時俗翫歲月不覺萬
里留天涯今來寂寞西岡口秋盡不見東
籬花市亭插旗鬪新酒十千得斗不可賒
材非世用自當去一舸聱牙揮釣車君能
先往勿自滯行矣春洲生荻芽

答梅聖俞寺丞見寄

憶昔識君初我少君方壯風期一相許意
氣曾誰讓交遊盛京洛樽俎陪丞相駟驥
日相追鸞鳳志高颺詞章盡崔蔡論議皆

歌向文會忝予盟詩壇推子將談精鋒愈
出飲劇歡無量賈勇爲無前餘光誰敢望
茲年五六歲人事堪悽愴南北頓睽乖相
離獨飄蕩失杯由畫足傷手因代匠移書
雖激切拙語非欺誑安知乃心愚而使所
言妄權豪不自避斧質誠爲當蒼皇得一
邑奔走踰千嶂楚峽聽猿鳴荆江畏蛟浪
蠻方異時俗景物殊氣象綠髮變風霜丹
顏侵疾痒常憂鵬鳥窺幸免江魚葬今茲
荷寬宥遷徙來漢上憔悴戴囚冠驅馳嗟

俗狀王事多倥傯學業差遺忘未能解綬
去所戀寸祿養舉足畏逢仇低頭惟避謗
忻聞故人近豈憚驅車訪一別各衰翁相
見問無恙交情宛如舊歡意獨能強幸陪
主人賢更值芳洲漲菱荷亂浮泛水竹涵
虛曠清風滿談席明月臨歌舫已見洛陽
人重聞畫樓唱怡然壹鬱寫暫爾累囚放
自從還邑來會此驕陽亢神靈多請禱租
訟煩笞榜猶須新秋涼漢水臨瀉一作清漾
野稼蕩浮雲晴山開疊障聊以助吟詠亦

可資酣暢北轅如未駕幸子能來貺

酬聖俞朔風見寄

因君朔風句令我苦寒吟離別時未幾崢
嶸歲再陰驚飈擊曠野餘響入空林客路
行役遠馬蹄冰雪深瞻言洛中舊期我高
陽吟故館哭知己新年傷客心相逢豈能
飲惟有涕沾襟

送琴僧知白

吾聞夷中琴已久常恐老死無其傳夷中
未識不得見豈謂今逢知白彈遺音髣髴

尚可愛何況之子傳其全孤禽曉警秋野
露空澗夜落春崑泉二年遷謫寓三峽江
流無底山侵天登臨探賞久不厭每欲圖
畫存於前豈知山高水深意久以寫此朱
絲絃酒酣耳熱神氣王聽之爲子心肅然
嵩陽山高雪三尺有客擁臯吟苦寒負琴
北走乞其贈持我此句爲之先

聽平戎操

西戎負固稽天誅勇夫戰死智士謨上人
知白何爲者年少力壯逃浮屠自言平戎

有古操抱琴欲進爲我娛我材不足置廊
廟力弱又不堪戈及遭時有事獨無用偷
安飽食與汝俱爾知平戎競何事自古無
不由吾儒周宣六月伐獫狁漢武五道征
匈奴方叔召虎乃真將衛青去病誠區區
建功立業當盛日後世稱詠於詩書平生
又欲慕賈誼長纓直請繫單于當衢理檢
四面啓有策不獻空踟躕慙君爲我奏此
曲聽之空使壯士吁推琴置一作酒恍若
失誰謂子琴能起予

書宜城修木渠記後奉呈朱寺丞
因民之利無難爲使民以說民忘疲樂哉
朱君鄣靈堤導鄆及蠻興衆陂古渠廢久
人莫知朱君三月而復之沃土如膏瘠土
肥百里歲歲無凶菑一作鄆蠻之水流不
止襄人思君無時已

谷正至始得先所寄書及詩不勝
喜慰因書數韻奉酬聖俞

寒日照深巷柴門朝尚閉有客自江來尺
書千里至啓書復何云但言南北異南方

地常暖風物稱佳麗梅蘂入新年蘭臯動
芳氣樂哉登臨興豈厭江湖滯伊予方寂
寞刻苦窮文字萬國會王州群英馳雋軌
方朔常苦餓子雲非官意歲暮慘風塵官
閑倦朝市出處一云別所思寧可冀春江
有歸鴈但使音書繼

答梅聖俞

寒日照窮巷荆扉晨未開驚聞遠方信有
客渡江來開緘復何喜宛若見瓊瑰一爾
乖出處未嘗持酒盃官閑隱朝市歲暮慘

風埃音書日可待春鴈暖應回

病中聞梅二南歸

聞君解舟去秋水正泫泫野岸曠歸思都
門辭世紛稍逐商帆伴初隨征鴈羣山多
淮甸出柳盡汴河分楚色蕪尚上一作綠江
煙日半一作畔作曛客意浩已遠離懷寧復云
宣城好風月歸信幾時聞

送蟾上人遊天台

昔年在伊洛林壑每相從對掃竹下榻坐
思湖上峯自言伊洛波每起滄洲憶今茲

二五五

外集三

七

卷

道行遊千里東南國都門汴河上柳色入
青煙流水向淮浦歸人隨越船東南遍林
巘萬壑新流滿小桂綠應芳江春行已晚
藹藹赤城陰依依識古岑一去誰復見石
橋雲霧深

送徐生秀州法曹

一笑暫相從結交方恨晚猶茲簿領困况
爾東南遠落帆淮口昔春採石江洲暖黃鶴
可寄書惟嗟雙翅短

讀山海經圖

夏鼎象九州山經有遺載空濛大荒中杳
靄群山會炎海積歆蒸陰幽異明晦奔趨
各異種倏忽俄萬態群倫固殊稟至理寧
一槩駭者自云驚生兮孰知怪未能識造
化但爾披圖繪不有萬物殊豈知方輿大
依韻和聖俞見寄

與君結交深相濟同水火文章發春葩節
行凜筠筍吾才已愧君子齒又先我君惡
予所非我許子云可厭趣共乖時畏塗難
轉輒道肥家所窮身老志彌果每嗟游從
米尚餘顆

晏太尉西園賀雪歌

陰陽乖錯亂五行窮冬山谷暖不冰一陽
且出在地上地下誰發萬物萌太陰當用
不用事蓋由姦將不斬虧國刑遂令邪風
伺間隙潛中瘟疫於疲氓神哉陛下至仁
聖憂勤懇禱通精誠聖人與天同一體意
未發口天已聽忽收寒威還水官正時肅

物凜以清寒風得勢獵獵走瓦乾霰急落
不停恍然天地半夜白群雞失曉不及鳴
清晨拜表東上閣鬱鬱瑞氣盈宮庭退朝
騎馬下銀闕馬滑不慣行瑤瓊晚趨賓館
賀太尉坐覺滿路流歡聲便開西園掃徑
步正見玉樹花凋零小軒却坐對山石拂
拂酒面紅煙生主人與國共休戚不惟喜
悅將豐登須憐鐵甲冷徹骨四十餘萬屯
邊兵

送吳照鄰還江南

外集三

九

武

霜前江水磨碧銅岸背菱葉翹青蟲吳郎
鬢絲生幾縷不羞月上扶桑東羞見清波
照人景去時黑髮吹春風五年歸來婦應
喜從此不問西飛鴻

答朱案捕蝗詩

捕蝗之術世所非欲究此語興於誰或云
豐凶歲有數天孽未可人力支或言蝗多
不易捕驅民入野踐其畦因之姦吏恣貪
擾戶到頭斂無一遺蝗災食苗民自苦吏
虐民苗皆被之吾嗟此語祇知一不究其

本論其皮驅雖不盡勝養患昔人固已決
不疑秉蠹投火況舊法古之去惡猶如斯
既多而捕誠未易其失安在常由遲誅誅
最說子孫衆爲腹所孕多蛄蝼始生朝畝
暮已頃化一爲百無根涯口含鋒刃疾風
雨毒腸不滿疑常飢高原下隰不知數進
退整若隨金輦嗟茲羽孽物共惡不知造
化其誰尸大凡萬事悉如此禍當早絕防
其微蠅頭出土不急捕羽翼已就功難施
只驚群飛自天下不究生子由山陂官書

立法空太峻吏愚畏罰反自欺蓋藏十不
敢申一上心雖惻何由知不如寬法擇良
令告蝗不隱捕以時今苗因捕雖踐死明
歲猶免爲蝻苗吾嘗捕蝗見其事較以利
害曾深思官錢二十買一斗示一作以明
信民爭馳歛微成衆在人力頃刻露積如
京坻乃知孽蟲雖甚衆嫉惡苟銳無難爲
往時姚崇用此議誠哉賢相得所宜因吟
君贈廣其說爲我持之告採詩

答蘇子美離京見寄

衆竒子美貌堂堂千人英我獨疑其曾浩
浩包滄溟滄溟產龍蜃百怪不可名是以
子美辭吐出人輒驚其於詩最豪奔放何
縱橫衆絃排律呂金石次第鳴間以險絕
句非時震雷霆兩耳不及掩百病爲之醒
語言既可駭筆墨尤其精少雖嘗力學老
乃若天成濡毫弄點畫信手不自停端莊
雜醜怪群星見攬槍爛然溢紙幅視久無
定形使我終老學得一已足矜而君兼衆
美磊落猶自輕高冠出人上誰敢揖其膺

群臣列丹陛幾位缺公卿使之束帶立可
以重朝廷況今參國議高論吐崢嶸惜哉
三十五白髮今已生近者去江淮作詩寄
離情口誦不及寫一日傳都城退之序百
物其鳴由不平天方苦君心欲使發其聲
嗟我非鸞鷲徒思和嚶嚶因風幸數寄警
我聾與盲

立秋有感寄蘇子美

庭樹忽改色秋風動其枝物情未必爾我
意先已悽雖恐芳節謝猶忻早涼歸起步

雲月暗顧瞻星斗移四時有大信萬物誰
與期故人在千里歲月令我悲所嗟事業
晚豈惜顏色衰廟謀今謂何胡馬日以肥
喜雪示徐生

清穹

一作空

凜冬感旱野渴天澤經旬三尺

雪萬物變顏色愁雲噓不開慘慘連日夕
寒風借天勢豪忽肆陵轢空枝凍鳥雀癡
不避彈弋長河寂無聲厚地若龜坼陰階
夜自照缺瓦晨復積貯潔瑩冰壺量深埋
玉尺凝陰反窮剝陽九兆初畫春回百草

外集三

外集三

十一

菴

心氣動黃泉脉堅冰雖未破土潤已潛釋
常聞老農語一臘見三白是爲豐年候占
驗勝著策天兵血西陲萬轍走供億嗟予
媿疲俗奚術肥爾瘠惟幸歲之穰茲惠豈
人力非徒給租調且可銷盜賊從今潔黼
廩期共飽麩麥

賦竹上甘露

稍稍兩竹枝甘露葉間垂草木有靈液陰
陽疑以時深山與窮谷往往嘗有之幸當
君子軒得爲衆人知物生隨所託晦顯各

有宜聊以助歌詠兼堪飲童兒

和對雪憶梅花

昔官西陵江峽間
野花紅紫多爛斑
惟有寒梅舊所識
異鄉每見心必一作依然為憐
花自洛中看花上
蜀鳥啼綿蠻
當時作詩誰唱和
粉蘂自折清香繁
今來把酒對殘雪
却憶江上高樓山
群花四時媚
行衆何獨此樹令人攀
窮冬萬木立枯死
玉艷獨發陵清寒
鮮妍皎如鏡
裏面綽約對若風
中仙惜哉此地無
此樹霰雪漫漫平沙川

三八十六

外集三

十三

忠

徐生隨我客此郡
冰霜旅舍逢新年
憶花對雪晨起坐
清詩寶鐵裁琅玕
長河風色暖將動
即看綠柳含春煙
寒齋寂寞何以慰
卯盃且醉酣午眠

歸鴈亭

荒蹊臘雪春尚埋
我初獨與徐生來
城高樹古禽鳥野
聲響格磔寒毳毳
頽垣敗屋巍然在
略可遠眺臨傾臺
高株唯有柳數十
夾路對立初誰栽
漸誅榛莽辨草樹
頗有桃李當墻隈
欣然便擬趁時節
斤鋤日

夕勞耘培新年風色日漸好晴天仰見鴈
已回枯根老脉凍不發遶之百匝空徘徊
頑姿野態煩造化勾芒不肯先煦吹酒酣
幾欲搗大鼓驚起龍蟄驅春雷偶然不到
才數日顏色一變由誰催翠芽紅粒迸條
出纖趺嫩萼如剪裁卧槎燒枿亦強發老
朽不避衆艷咤姹然山杏開最早其餘紅
白各自媒初開盛發與零落皆有意思牽
人懷衆芳勿使一時發當令一落續一開
畢春應須酒萬斛與子共醉三千盃

送韓子華

嗟我久不見韓子如讀古書思古人忽然
相逢又數日笑語反不共一罇諫垣尸居
職業廢朝事汲汲勞精神子華筆力天馬
足駑駘千百誰可群嗟予老鈍不自笑尚
欲疾走追其塵子華有時高談駭我聽榮
枯萬物移秋春所以不見令我思見之如
飲玉醴醇叩門下馬忽來別高帆得風披
飛雲離懷有酒不及寫別後慰我寓於文

送李太傅知冀州端懿

吾慕李漢超爲將勇無儔養士三千人人
人百貔貅關南三十年天子不北憂吾愛
李允則善覘多計籌虜動靜寢食皎如在
雙眸出入若變化談笑摧敵謀恩信決南
北聲名落燕幽二公材各異戰守兩堪尤
天下不用兵爾來三十秋今其繼者誰守
冀得李侯李侯年尚少文武學彬彬河朔
一尺雪北風煖貂裘上馬擘一作臂長弓白
羽飛金鏃臨行問我言我慙本儒鯁漢超
雖已久故來尚歌謳允則事最近猶能想

風流將此聊爲贈勉哉行無留

石篆詩并序

某啓近蒙朝恩守此州州之西南有瑯琊
山唐李幼卿庶子泉者某在館閣時方國
家詔天下求古碑石之文集于閣下因得
見李陽冰篆庶子泉銘學篆者云陽冰之
迹多矣無如此銘者常欲求其本而不得
于今十年矣及此來已獲焉而銘石之側
又陽冰別篆十餘字尤竒於銘文世罕傳
焉山僧惠覺指以示予予徘徊其下久之

不能去山之竒迹古今紀述詳矣而獨遺此字予甚惜之欲有所述而患文辭之不稱思予嘗愛其文而不及者梅聖俞蘇子美也因爲詩一首并封題墨本以寄二君乞詩刻于石

寒崑飛流溜

一作落青苔

旁斲石篆何竒哉

其人已死骨已朽此字不滅留山隈山中老僧憂石泐印之以紙磨松煤欲令留傳在人世持以贈客比瓊瑰我疑此字非筆畫又疑人力非能爲始從天地胚渾判元

外集

外集三

十六

文

氣結此高崔嵬當時野鳥踏山石萬古遺迹於蒼崖山祇不欲人屢見每吐雲霧深藏埋群仙飛空欲下讀常借海月清光來嗟我豈能識字法見之但覺心眼開辭慳語鄙不足記封題遠寄蘇與梅

題滁州醉翁亭

四十未爲老醉翁偶題篇醉中遺萬物豈復記吾年但愛亭下水來從亂峯間聲如自空落瀉向兩簷前流入巖下溪幽泉助涓涓響不亂人語其清非管絃豈不美絲

竹絲竹不勝繁所以屢携酒遠步就潺湲
野鳥窺我醉溪雲留我眠山花徒能笑不
解與我言惟有巖風來吹我還醒然

贈學者

人稟天地氣乃物中最靈性雖有五常不
學無由明輪曲揉而就木直在中繩堅金
礪所利玉琢器乃成仁義不遠躬勤勤入
至誠學既積於心猶木之敷榮根本既堅
好翁鬱其幹莖爾曹宜勉勉無以吾言輕
春寒効李長吉體

東風吹雲海天黑飢龍凍雲雨不滴嗔雷
隱隱愁煙白宿露無光瑤草寂東皇染花
滿春國天爲花迷借春色呼雲鎖日月一作
恐紅蕩幾日春陰養花魄悠悠遠絮縈空
擲愁思絲一作織春挽不得高樓去天無幾
尺遠岫參差亂屏碧

幽谷

藥亭一作豐

晚飲

一徑入蒙密已聞流水聲行穿翠篠盡忽
見青山橫山勢抱幽谷谷泉含石泓旁生
嘉樹林上有好鳥鳴鳥語谷中靜樹涼泉

影清露蟬已嘒嘒風溜時泠泠渴心不待
飲醉耳傾還醒嘉我二三友偶同丘壑情
環流席高蔭置酒當崢嶸是時新雨餘日
落山更明山色已可愛泉聲難久聽安得
白玉琴寫以之一作朱絲繩

外集卷第三

奉酬聖俞答梅聖俞二詩多同而韻異故兩存之

續添

外集三

十八

振

答梅聖俞茲年疑是

酬聖俞朔風見寄此詩押兩吟字一本第

聽平戎操競何事是竟

答蘇子美子美慶曆文粹作倩仲蓋衆絃衆懸

歸鴈亭時發慶曆文粹

石篆詩序子嘗一作常

又續添

賦竹上甘露嘗有之嘗一作常

書宣城修木渠記後呈朱丞相丞朱名絃字儀甫治平中為宜城令脩

木渠有功熙寧二年冬吳充薦改大理寺丞鄭獬為作渠記公詩當在三年合入外集第四卷誤實第三

外集卷第四 歐陽文忠公集五十四

古詩四

桐花

猗猗井上桐花葉何蓑蓑下蔭百尺泉上
聳陵雲材翠色洗朝露清陰午當階幽蟬
自嘒嘒鳴鳥何啾啾日出花照耀飛香動
浮埃今朝一雨過狼籍黏青苔斯桐乃誰
樹意若銘吾齋常聞漢道隆上下相和諧
選吏擇孝廉視民嬰與孩政聲如九韶百
物絕妖災優優潁川守能致鳳凰來到此
賢才嗟爾不自勉鳳凰其來哉

外集

外集四

吳仲

思二亭送光祿謝寺丞歸滁陽

吾嘗

一作常

思醉翁醉翁名自我山林本我

性章服偶包裹君恩未知報進退奚爲可

自非因讒逐決去焉

一作詎

能果前時永陽

謫誰與脫韁鑱山氣無四時幽花常婀娜

石泉咽然鳴野艷笑而傒賓歡正誼譁翁

醉已岌岌我樂世所悲衆馳予坎軻惟茲

三二子嗜好其

二作學甚

同頗因歸謝巖石

爲我刻其左

吾嘗

一作常

思豐樂魂夢不在身三年永陽

謫幽谷最來頻谷口兩三家山泉爲四鄰
但聞山泉聲豈識山意春春至換群物花
開思故人故人今何在憔悴潁之濱人去
山自綠春歸花更新空令谷中叟笑我種
花勤

堂中畫像探題得杜子美

風雅久寂寞吾思見其人杜君詩之豪來
者孰比倫生爲一身窮死也萬世珍言苟
可垂後士無羞賤貧

和徐生假山

匠智無遺巧天形極幽探謂我愛山者爲
山列前簷頽垣不數尺萬嶮由心潛或開
如斷裂或吐似訝滅或長隨靡迤或瘦露
壑嵌陰一作險穴覲杳杳高屏立巉巉後出
忽孤聳群奔沓相參巖若氣融結突如鬼
鑄鑿昔歲貶荆楚扁舟極東南孤山馬當
夾兩岸臨江潭常恨江水惡輕風不留帆
峯巒千萬狀可愛不可談但欲借粉繪圖

之掛紉縑豈如几席間百態生濃纖暮雲
點新翠孤煙起朝嵐況此窮冬節陰飈積
凝嚴幽齋喜深處遠目生遐瞻晝卧不移
枕晨興自開簾吾聞君子居出處無常占
卷道或獨善施物仁貴兼於時苟無益懷
祿古所慙嵩山幸不遠薇蕨豈不甘自可
結幽侶披雲老溪巖胡爲不即往一室安
且恬辱子贈可愧因詩以自讒

送楊貞外

予昔走南宮江湖浩然涉今來厭塵土常

卷

外集四

三

成

懷把輕楫聞君東南行山水恣登躡秋江
湛已清樹色映丹葉羨君舟插榜去若魚
鼓鬣君家兄弟才門族當世甲行期薦賢
書疾驛來上閣

讀梅氏詩有感示徐生

子美忽已死聖俞舍吾南嗟吾譬馳車而
失左右驂勅敵嘗壓壘羸兵當戒嚴凡人
貴勉強惰逸易安恬吾旣苦多病交朋復
凋殲篇章久不作意思如膠粘良田失時
耕草莽廢鋤芟美井不日汲何由發清甘

偶開梅氏篇不覺日掛簷乃知文字樂愈
久益無厭吾嘗一作常哀世人聲利競爭貪
哇咬聾兩耳死不享韶咸而幸知此樂又
常深討探今官得閑散舍此欲奚耽頑庸
須警策賴子發其箝

和人三橋

笳鼓下層臺旌旗轉長嶼橋響鷺歸軒溪
明望行炬

北臨白雲澗南望清風閣出樹見人行隔
溪聞魚躍

外集四

四七

斷虹跨曲岸倒影涵清波爲愛斜陽好迴
舟特特過

初夏劉氏竹林小飲

春榮忽已衰夏葉換初秀披荒得深蹊掃
綠蔭清晝萬竿交已聳千畝蔚何富驚雷
迸狂鞭霧籜舒文繡虚心高自擢勁節晚
愈瘦雖慙桃李妖豈愧松栢後川源湛新
霽林麓洗昏霧猗猗色可餐滴滴翠欲溜
況茲夏首月景物得嘉候晚蝶舞新黃孤
禽弄清味窺深入牕蒙玩密愛林茂依依

帶幽澗隱隱見孤岫林蓀縟堪眠野汲冷
可漱鳴琴瀉山風高籟發仙奏暑却自蠲
渴心閑疑愈疾杯盤雜芬芳圖籍羅左右
怡然忘簪組釋若出羈廐矧予懷一丘未
得解黃綬官事偶多閑郊扉須屢叩新篁
漸添林晚筍堪薦豆誰邀接籬公有酒幸
相就

眼有黑花戲書自遣

洛陽三見牡丹月春醉往往眠人家揚州
一遇芍藥時夜飲不覺生朝霞天下名花
惟有此罇前樂事更無加如今白首春風
裏病眼何須厭黑花

送朱生

萬物各有役無心獨浮雲遂令幽居客日
與山雲親植桂比芳操佩蘭思潔身何必
濯於水本無纓上塵

雪

時在潁州作玉月梨梅練絮
白舞鵝鶴銀等事皆請勿用

新陽力微初破夢客陰用壯猶相薄朝寒
稜稜風莫犯暮雪綏綏止還作驅馳風雲
初慘淡炫晃山川漸開廓光芒可愛初日

照潤澤終爲和氣爍美人高堂晨起驚幽
士虛牕靜聞落酒壚成徑集餅罌獵騎尋
蹤得狐貉龍蛇掃處斷復續猊虎團成呀
且攫共貪終歲飽麩麥豈恤空林飢鳥雀
沙墀朝賀迷象笏桑野行歌沒芒屨乃知
一雪萬人喜顧我不飲胡爲樂坐看天地
絕氛埃使我曾襟如洗淪脫遺前言笑塵
雜搜索萬象窺冥漠潁雖陋邦文士衆巨
筆人人把矛槩自非我爲發其端凍口何
由開一噓

雪晴

悠悠野水來灩灩西溪闊曉日披宿雲荒
臺照殘雪風光變窮臘歲律新陽月凍卉
意初回綠醅浮可撥人閑樂朋友鳥哢知
時節豈止探芳菲耕桑行可閱

琴高魚

琴高一去不復見神仙雖有亦何爲溪鱗
佳味自可愛何必虛名務好竒

竹間亭

二首其一
已見居士集

高亭照初日竹影涼蕭森新篁漸解籜翠

色日已深雨多苔莓國青幽徑無人尋靜趣
夕迺得暫來聊解襟清風颭然生鳴鳥送
好音佳時不易得濁酒聊自斟興盡即言
返重來期抱琴

箕山

朝下黃蘆坂夕望箕山雲緬懷巢上客想
彼嵒中人弱歲慕高節壯年嬰世紛漱流
羨潁水振衣嗟洛塵空祠亂鷺鳥山木含
餘暉聊茲謝芝桂歸月及新春

西園

二五十六
升集四
七
後
落日叩溪門西溪復何所人侵樹裏耕花
落田中雨平野見南山荒臺起寒霧歌舞
昔云誰今人但懷古

白兔

天冥冥雲濛濛白兔搗藥姤娥宮玉關金
鑠夜不閉竄入滁山千萬重滁泉清甘瀉
大壑滁草軟翠搖輕風渴飲泉困棲草滁
人遇之豐山道網羅百計偶得之千里持
為翰林寶翰林酬酢委金璧珠箔花籠玉
為食朝隨孔翠伴暮綴鸞皇翼主人邀客

醉籠下京洛風埃不霑席群詩名貌極豪
縱爾兔有意果誰識天資潔白已爲累物
性拘囚盡無益上林榮落幾時休回首峯
巒斷消息

偶書

吾見陶靖節愛酒又愛閑二者人所欲不
問愚與賢奈何古今人遂此樂尤難飲酒
或時有得閑何鮮焉浮屠老子流營營盈
市廛二物尚如此仕官不待言官高責愈
重祿厚足憂患暫息不可得況欲閑長年
少壯務貪得銳意力爭前老來難勉強思
此但長歎決計不宜晚歸耕潁尾田

日本刀歌

昆夷道遠不復通世傳切玉誰能窮寶刀
近出日本國越賈得之滄海東魚皮裝貼
香木鞘黃白間雜鍮與銅真鍮似金
真銅似銀百金
傳入好事手佩服可以禳妖凶傳聞其國
居大島土壤沃饒風俗好其先徐福詐秦
民採藥淹留卅童老百工五種與之居至
今器玩皆精巧前朝貢獻屢往來士人往

往工詞藻徐福行時書未焚逸書百篇今
尚存令嚴不許傳中一國舉世無人識古文
先王大典藏夷貊蒼波浩蕩無通津令人
感激坐流涕鏞澁短刀何足云

會峯亭

山勢百里見新亭壓其巔群峯漸靡迤高
下相綿聯下窺疑無地杳藹但蒼煙是時
新雨餘衆壑鳴春泉林籟靜更響山光晚
逾鮮崑花爲誰開春去夏猶妍野鳥窺我
醉谿雲留我眠日暮山風來吹我還醒然

三五方

外集四

九

定

醉醒各任物雲鳥徒留連

晚步綠陰園遂登凝翠亭

餘春去已遠綠水涵新塘漸愛樹陰密初
迎蕙風涼高亭可四望繞郭青山長野色
晚更好嵐曛共微茫幽懷不可寫雅詠同
誰觴明月如慰我開軒送清光

聖俞惠宣州筆戲書

聖俞宣城人能使紫毫筆宣人諸葛高世
業守不失緊心縛長毫三副頗精密硬軟
適人手百管不差一京師諸筆工牌榜自

稱述纍纍相國東比若衣縫虱或柔多虛
尖或硬不可屈但能裝管榻有表曾無實
價高仍費錢用不過數日豈如宣城毫耐
久仍可乞

贈潘景溫叟

秦盧不世出俗子相矜誇治疾不知求一作
源橫死紛如麻番陽竒男子衣冠本儒家
學本得心訣照底窮根厓冷然鑒五藏曾
靡毫釐差公卿掃榻迎黃金載盈車語言
無羽翰飛入萬齒牙相逢京洛下使我驚

外集四

十

定

且嗟七年慈母病庸工口啞恨不早見
君以乞壺中砂通宵耳高論飲恨知何涯
瞥然別我去征途指煙霞孤雲不可留淚
線風中斜

學書二首

蘇子歸黃泉筆法遂中絕賴有蔡君謨名
聲馳晚節醉翁不量力每欲追其轍人生
浪自苦以取兒女悅豈止學書然自悔從
今決

學書不覺夜但怪西窓暗病目故已昏墨

不分濃淡人生一不自知勞苦殊無憾所得
乃虛名榮華俄頃暫豈止學書然作銘聊
自鑒

奉使道中作三首

執手意遲遲出門還草草無嫌去時速但
願歸時早北風吹雪犯征裘夾路花開回
馬頭若無二月還家樂爭奈千山遠客愁
爲客莫思家客行方遠道還家自有時空
使朱顏老禁城春色暖融怡花倚春風待
客歸勸君還家須飲酒記取思歸未得時

五美

外集四

十一

通

客夢方在家角聲已催曉忽忽行人起共
怨角聲早馬蹄終日踐冰霜未到思回空
斷腸少貪夢裏還家樂早起前山一作前路
正長

奉使道中寄坦師

道人少賈海上遊海船破散身沈浮黃金
滿篋人所寄吹簫偶得還中州羸身歸金
不受報祇取斗酒相獻酬歡娛慈母終一
世脫棄妻子藏巖幽蒼煙寥寥池水漫白
玉菡萏吹高秋夜燃栢子煮山藥憶此東

望無時休塞垣春枯積雪溜沙礫威怒黃
雲愁五更匹馬隨鴈起想見鄧郭花今稠
百年夸奪終一丘世上滿眼真悠悠寄聲
萬里心綢繆莫道異趣無相求

勉劉申

有司精考覈中弟爲公卿本基在積習優
學登榮名吾子齒尚少加勤無自輕努力
圖樹立庶幾終有成

壽樓

碧瓦照日生青煙誰家高樓當道邊昨日

丁丁斤且斲今朝朱欄橫翠幕主人起樓
何太高欲誇富力壓群豪樓中女兒十五
六紅膏畫眉雙鬢綠日暮春風吹管絃過
者仰首皆留連應笑樓前騎馬客腰垂金
章頭已白苦貪名利損形骸爭若庸愚恣
聲色朝見騎馬過暮見騎馬歸經年無補
朝廷事何用區區來往爲

試院聞奚琴作

奚琴本出奚人樂奚虜彈之雙淚落抱琴
置酒試一彈曲罷依然不能作黃河之水

向東流鳧飛鴈下白雲秋岸上行人舟上
客朝來暮去無今昔哀絃一奏池上風忽
聞如在河舟中絃聲千古聽不改可憐纖
手今何在誰知着意弄新音斷我蹲前今
日心當時應有曾聞者若使重聽須淚下
乞藥有感呈梅聖俞

宣州紫沙合圓若截郢筒偶得今十載走
官一作南北東持之聖俞家乞藥戒羸僮
聖俞見之喜遽以手磨礮謂此吾家物問
誰持贈公因嗟與君交事事無不同憶昔

初識面青衫游洛中高標不可揖杳若雲
間鴻不獨體輕捷目明仍耳聰爾來三十
年多難百憂攻君晚得竒藥靈根斲離宮
其狀若狗蹄其香比芎藭愛君方食貧面
色悅以豐不憚乞餘劑庶幾助衰癯平時
一笑歡飲酒各爭雄向老百病出區區論
藥功衰盛物常理循環勢無窮寄語少年
兒慎勿笑兩翁

擬剝啄行寄趙少師

剝剝復啄啄柴門驚鳥雀故人千里駕信

士百金諾搢紳相趨動顏色閭巷歡呼共
嗟愕顧我非惟慰寂寥於時自可警偷薄
事國十年憂患同酣歌幾日暫相從酒醒
初不戒徒馭歸思瞥起如飛鴻車馬闐然
人已去荷鋤却向野田中

絕句臨薨作

冷雨漲焦陂人去陂寂寞惟有霜前花鮮
鮮對高閣

聯句三首

冬夕小齋聯句寄梅聖俞陸經

外第四

十四

寧

寒牕明夜月歐自一作散帙耿燈火破硯裂

冰澌陸敗席薦霜竒廢書浩長吟歐想子

實勞我清篇追曹劉陸苦語侔島可酣飲

每頽山歐談笑工多輟駕言當有期陸歲

晚何未果幽夢亂如雲歐別愁牢若鎖雪

水漸漣漪陸春枝將婀娜客心莫遲留歐苑

一作葩即紛墮何當迎笑前陸相逢嘲飯

顥歐

劍聯句范仲淹

聖人作神兵以定天下厄范蚩尤發靈機

千將構雄績 歐橐籥天地開 鑪冶陰陽闢
滕南帝輸火精 西皇降金液 歐炎炎崑岡
熒洶洶 洪河擘 范雷霆助意氣 日月淪精
魄 滕神氣不在大 錯落就三尺 直淬靈溪
泉 橫磨太行石 歐雄雌威並立 晝夜光相
射 范提携風雲生 指顧煙霞寂 滕堅剛正
人心耿介志士跡 歐初疑成夏鼎 魑魅世
所適 滕又若引吳刀 犀象謂無隔 范截波
虬尾滑脫浪 鯨牙直頑冰 挂陰雷皎月 乘
孤隙 歐河角起 彗氣雲罅露 秋碧曉鐔星

外集四

十五

文

斗爛夜匣飛龍宅 范舞酣霰雪回 彈俊球
琳擊鮮 搖雪水光膩 刮湘山色 滕青蛟渴
雨瘦素虺 蟠霜瘠 歐清音鏘以鳴 寒姿堅
且澤 范鬼類喪影響 佞黨摧肝膈 歐一旦
會神武 四海屠兇逆 范周王奉天討 商郊
千里赤 歐楚子揚軍聲 秦師萬首白 祥輝
冠 吳楚殺氣橫 燕易 范與君斬鼉足 八極
停震虢 歐與君制鵬翼 三辰增煥赫 莫使
化猿翁 辱我爲幻惑 范莫使暴虎人屈我
執仇敵 滕尊嚴俟冠冕 左右舞干戚 歐功

成不可留延平空霹靂范

鶴聯句

范仲淹滕宗諒

上霄降靈氣鍾此千年禽范幽閑靖節性
孤高伯夷心歐頡頏紫霄垠飄飄滄浪淪
歐岳湛有仙姿鈞韶無俗音范毛滋月華
淡頂粹霞光深歐目流泉客淚翅垂羽人
襟滕騰漢雪千丈點溪霜半尋范纖喙礪
青鐵脩脛雕碧琳歐巖棲干溪樹澤飲卑
朱泠滕鸞皇自埴荒鸞雀徒商參范獨翅
聳瓊枝群舞傾瑶林歐病餘霞雲段夢回

外集四

十六

文

松吹吟滕靜嫌鸚鵡言高笑鴛鴦范金
清冷澄澈玉格寒蕭森歐潔白不我恃腥
羶非所任滕稻梁不得已蟣虱胡爲侵范
天池憶鵬遊雲羅傷鳳沈滕風流超縞一作起續
素雅淡絕規箴歐相親長道情偶見銷煩
襟范西漢惜馮唐華皓欲投簪歐南朝仰
衛玠清羸疑不禁滕端如方直臣處群良
足欽范介如廉退士驚秋猶在陰范幾誚
鷹隼鷙羈鞬俄見臨歐還嗤鳧鷖貪弋繳
終就擒歐乘軒乃一芥空籠仍萬金滕片

雲伴遙影冥冥越煙岑范長飈送逸響亭
亭園出一作霜砧歐蓬瀛忽往來桑田成古
今歐願下八佾庭鼓舞薰風琴瑟

外集卷第四

外集四

十七

桐花照一作光照

假山自讒疑字

送楊負外南宮疑是南官

鶴聯句羽人襟此詩重押襟字煩襟其上疑作衿

續添

乞藥有感斲一作物常一作有常

冬夕小齋聯句酣飲一作醺一作談笑一作談

苑葩一作蔞一作蔞

續添

來鷺堂與趙叔平王禹玉王原叔

韓子華聯句

嘉祐三年見華陽集

賢侯謝郡歸從游樂吾黨林泉富餘地卜
築疏陳莽是時春正中來鷺音下上若賀
大厦成喜留眾賓賞槩得名因談笑揮墨
且閑鳥意頡而頰吟罇敞花軒醉枕酣風
幌脩輕雲薄藻棟初日麗珠網紅袂生暗
香清絃泛餘響林深隱飛蓋岸曲遲去槩

三十一 外集四

十八

胡元

波光攔檻明竹氣衣巾爽珪虛容涼樾入
影與文漣蕩晨飈轉綠蕙夕雨滋膏壤嘉
辰喜盍朋命駕期屢往觴詠陶淑真世俗
豈吾做洙得以為勝游蕭然散煩想公子
固好士世德復可象今此大基構不圖專
奉養美哉風流存來葉足師仰絳

賢侯謂鎮東軍節度
觀察留後李端愿

